



Wednesday, November 21, 2007

أحلى أمسية موسيقية حضرتها بحياتي

محاضرة د. ليزا بمصاحبة فرقة بن حسين الموسيقية



Dr. Lisa Urkevich



الإنسانة الوحيدة بالكويت اللي لما تشرح تاريخ الموسيقى الكويتية و تحلل كل نوع من أنواع العزف نفسياً و فنياً .. تخليك تشعر بالفخر و الإعتراز بشكل صعب أوصفه . بس المشكلة كل

Bl

A Walking

View my c

Blo

▼ 2009 (4)

▼ Januar

مستغانمي

للامواجهة

عب الإتقان

سيء .. 27

▶ 2008 (138)

▶ 2007 (115)

ما أحضر لها أمسية أتحسّف ليش اني ما عرفتها قبل لا أدش الجامعة << أحس لو اني
. عارفتها من قبل .. كان وايد أشياء تغيرت بحياتي

نصيحة للمهتمين بالموسيقى .. اللي يسمع عن محاضراتها لا يطوف لها شي ... خاصة انها
المرّة الياية راح تحاضر عن البداوي على قولتها



أقوى شي بالفرقة هو احساسهم باللي يعزفونه .. حركاتهم .. تعابير الوجه .. طاقتهم شي مو
طبيعي .. صعب .. صعب جداً إنك تمسك روحك و ما تتفاعل معاهم و انت تشوفهم جدامك و
مثل ما قال أحمد البعيجان .. اللي ما يندمج معاهم ... صنم . هذا غير صوت النهام .. و

تنهداته و آهاته ... شوية كلمة يبكي.. بس أشوه النهمة كانت بالبداية و آخر شي قلبوها
. فرايحي و لطفوا الجو و اشتغل التعنقص ! ه



> .



هالشايب .. أموووت عليه .. مسميته ملك الفضلات ... يمكن مار عليكم بجلسات أم بي سي
وتلفزيون الكويت ... بس هالمرة طاخ .. عكس أول أمسية حضرتها لهم

>>



ملح الفرقة .. بو عوض
لا يندمج ... عليه حركات .. لا تملك أمامها إلا أن تمسك بطنك
و تنفجر من الضحك .. بس والله حبيب

>

... ..

آخر شي .. لا يسعني إلا أن أشكر فراشة دار الآثار فرح خاجة
على الصور .. و على وجودها بحياتي

Posted by Broke at 11/21/2007 08:44:00 AM

22 comments:

Maha said...

it look like u spend a great time
i can smell joy in ur words
plz if go again tell me

10:23 AM

Broke said...

Maha ..

More than u imagine !

كل من طلع منها مكيف

صبح صبح تمنيتكم معاي انتي و سمر

I have a plan .. But let me make sure of it , then I'll call u ;)

10:42 AM

يعقوبو بوو said...

ليش محد عزمي؟

رفيجي الموسيقى

(: شاف الدكتوراة ليزا قال انها محنكه ومخضرمه وتدق عوود بعد

8:09 PM

sologa-bologa said...

كعادتي دائماً

الاشياء الحلوة تطوفني بسبب مشاغل الحياة

والسفر

بس بعرف اذا تكلمت عن فن

السنكني

شلون شرحته

؟؟

أصعب فن بالدنيا كلها

بعدين فنون البحر وايد

تكلمت عنهم كلهم

؟

أتمنى أن اقرأ عن الموضوع بالصحف

لما أرجع وأشوفهم شلون كتبوا عنه

ودمتم بحب وود

10:02 PM

Amal said...

,,,مساك حب

,,,وفائض وفوضى مشاعر

,,نغيظ به العذال

,,وننعم بما تفيضين به علينا من أبداعات

,,,وكرم مشاعر

,,يا ملح البلوقرز

,,,الأمسية واضح أنها مميزة وجميلة

,,أبي برنامجهم الثقافي لهذا الموسم

.لو تكرمتي

هالفعاليات ما تحتاج عزيمة

بس تابع مفكرة اليوم .. اللي بصفحة القبس الثقافية و انت ما يطوفك شي

::

عموماً .. دار الآثار كل اثنين عندهم محاضرة أو أمسية موسيقية

: تقدر تروح لهم و تاخذ جدول الموسم الثقافي الحالي .. مكانهم

مركز الميدان

ثانوية عبدالله السالم .. اللي ورا حديقة الشعب

:: :: :: :: ::

Sologa Boloogaaa ..

شلوووون طافتك ؟

كنت واثقة إنك موجود

والله ما هقيت انها تطوفك ! بس يالله مهرجان القرين بعد كم يوم و كله فعاليات موسيقية

و اذا على اللي انكتب عنها .. عندك الرابط اللي بأول البوست .. فيه مختصر مفيد عن

المحاضرة .. من جريدة الجريدة

بس ما يابت طاري السنكني .. هذا أول مرة اسمع فيه منك

9:30 AM

said... طائر بلا وطن

أبي أعرف

شئو الأشياء اللي كانت من الممكن

انها تغيرت بحياتك؟

:p

يعجبني كثير نشاطك

عيني عليك باردة

لا إله إلا الله

عشان مو تقولين

:)

صباحك خير

9:33 AM

Broke said...

Amal ..

(HUG)

U are always there when I need ur words .. Even when I don't ask for them !

.. تصدقين ما قمت أتأثر بهالنوعية من التعليقات مثل قبل

صار عندي قناعة اني اذا بسمع من هني و هناك ، راح تنقلب المدونة إلى برنامج ما يطلبه المشاهدون و راح أنسى نفسي و الغرض من التدوين أو الكتابة بشكل عام

::

I'll try to get u the schedule soon inshallah :*

:: :: ::

أجار الدين كشمش

ان شاء الله عمي

بس شوف تعليقي على يعقوب

و أنا بعد ما راح أقصر

9:42 AM

Broke said...

طائر بلا وطن

شي واحد ... راح يؤدي إلى أشياء أخرى

و هو تخصصي بالجامعة

::

والله يا طائر

لو بكتب عن كل مكان أروح له أو نشاط أحضره ... راح تنظفوني صبح

:P

خلني ساكتة بس

9:45 AM

charisma said...

:))

شكله وناسه

اجواء شعبيه بحتة

اهل الكويت اى نعم

:))

يا حلوهم

انا بالتلفزيون لى طلوعوا اجابلهم والابتسامه تارسه ويهى شلون بالصبح

والله شوقتينى قوليلنا مره ثانيه

انا شخصيا احتاج اتواجد فى مكان مريح مثل هذا

يعطيح العافيه

:)

11:16 AM

sologa-bologa said...

ما حضرت لأنى مسافر

ولا مستحيل أطوف شي في فن

أما السنكنى فن من فنون البحر

ايقاعه صعب جدا جدا
بس مو متأكد اذا وزنه الايقاعي

4/16

او

4/24

عموما راح اوصل مع انطلاق فعاليات القرين
وهالسنة مستانس
لأنهم بيكرمون مصطفى احمد

11:39 AM

Broke said...

Charisma ..

أنا و خواتي و أبوي اذا شفناهم بالتلفزيون مو بس نجابلهم و نبتسم .. لا نطب معاهم

LOL :P

Inshallah , I'll try to email u whenever I know abt a nice activity .

بس ترى انا نوعي نساية .. يعني لحد يزعل مني أو يتشره علي

1:24 PM

Wild_Mare said...

أقوى شي بالفرقة هو احساسهم باللي يعزفونه .. حركاتهم .. تعابير الوجه

أركز على تعابير الوجه

يمكن اكثر شي يشدني بالعازف هو وجهه

خصوصا لما يندمج

(: لانه يترجم احساسه بكل نوتة وونغمة وينقلها لنا حتى لو كان اللي قاعد يشوفه صنم

في جملة شهيرة دوما اسمعها من معارف يعشقون الطرب بجميع انواعه ، خصوصا السامري

الجملة تقول " اللي ما يطرب حمار"!

**

I confirm my reservation with you :P NO DOUBT

8:49 PM

Wild_Mare said...

شوفي هاللك وركزي على بداية هالمقطع حتى نهاية الاغنية

2:55

طبعاً هذا احلى ما سمعت بالكمان

وافضل اغنية عندي

for celine dion

ومن ارووع حفلاتها

خصوصاً ان اللوحات اللي وراها قصة بحد ذاتها

ادري انا وايد شطيت بعيد بس مزاجي راح على هالاغنية وقلت ضروري تسمعينيها وتشوفينيها

here is the link:

<http://www.youtube.com/watch?v=oHYgVnF9aBY&feature=related>

9:11 PM

Broke said...

Wild Mare ..

اذا حضرنا عرض لنفس الفرقة مرة ثانية ..أبيك تركزين عل اللي يطق طبل ... حركاته مو
صج

::

السامري عاد ... تعابير وجه اللي يرقصون عليه كلها شموخ و ثقل ..بس لما أسمعاه أو اشوف
أحد يرقص عليه باحتراف .. أنطرب معاهم من قلب .. مع انه الإيقاع جدا هادي و بطيء ..
إلا أنه لا يقاوم

:: :: ::

Celine Dion !

كلبة بمعنى الكلمة و هالأغنية بالذات كنت حاطة كلماتها بمدونتي القديمة .. و الله اني من كثر
ما أحبها دايمًا تراودني رغبة بترجمتها مع بعض التحريف

لأن كلماتها تلامس فيني الكثير

و أنا فيني هوس ترجمة

أما الكمان .. فأكيد تعرفين قصتي معاه بكل الأغاني .. فما بالك مع سيلين ؟

Thank u so much for the wonderful link :*

دخلني جو حلو

4:17 PM

Fahad Al Askr said...

شدعوة ليش ما قلتي من قبل؟

5:42 PM

Broke said...

فهد العسكر

الصراحة مادري ليش ما قلت من قبل

بس للأنشطة القادمة ، تابع مفكرة اليوم .. اللي بصفحة القبس الثقافية من فضلك .. و انت ما يطوفك شي

9:45 AM

esTeKaNa said...

يسعدني استمتاعك

واثق برقي ذوقك الموسيقي جدا

:)

على فكرة...كسرتي خاطري

الجماعه اللي قبلي مادري اشفيهم قلبو كله تشره

:)

وعلى طاري الفراشه

اذا كانت فرح خاجة هي اللي في بالي

فقد اجدتي اختصار كل الوصف في كلمة فراشه

تحياتي لها ولقلبها واحساسها

:)

3:17 PM

9ahba'a said...

am pretty sure u had awonderful time, its always nice to hear of such activities in kuwait

:)

10:02 PM

Broke said...

Estekana ..

شكراً على مشاعر الطيبة يا استكانة

::

عاد أنا أموووت على التشره

خاصة لما يوجه لي بطريقة : ليش ما قلت لي ؟

::

أما بخصوص فرح خاجة

أهو في أكثر من فرح بعائلتهم

بس الفراشة وحدة

;)

أتوقع تحياتك وصلت

:: :: ::

9ahba'a ..

يا صباح الجمال

welcome to my blog !

You will find many nice things abt Kuwait in this blog , keep passing by plz

9:59 AM

[Post a Comment](#)

[Newer Post](#)

[Home](#)

[Older Post](#)